

Comunu de Quartu Sant' Aleni

Tzitadi Metropolitana de Casteddu

DELIBERATZIONI DE SA GIUNTA COMUNALI

Nùmeru 02 de su 05/01/2024

Ogetu: PIANU ESECUTIVU DE GESTIONI (PEG) 2024/2026 – APROVATZIONI.

S'annu 2024, su 05 de su mesi de Gennaxu, a ora de is 11.20 in Quartu Sant'Aleni, in sa sala comunali, cunvocada cunforma a sa lei, s' est atobiada sa Giunta Comunali. Funt presentis is sennoris:

Sìndigu	Presenti
MILIA Graziano Ernesto	No
Assessoris	
SANNA Salvatore	Eja
CAMBONI Marco	Eja
CARTA Cinzia	No
COGONI Tiziana	Eja
CONTI Antonio Mauro	No
MANCA Barbara	Eja
PERRA Rossana	Eja
VANINI Aldo	Eja

Presentis: 6 Ausentis: 3

Pigat parti a sa setziada su Segretàriu Generali Maggio Paolo.

S'Assessori SANNA Salvatore ndi liat sa presidèntzia e, de chi at averiguau chi ddoi at su nùmeru legali, cumentzat sa setziada.

SA GIUNTA COMUNALI

Postu chi:

- s'art. 169 de su D.lgs. n. 267/2000, TUEL, annoau e mudau de s'art.1 c.4 de su DPR n.81 de su 24.06.2022, at stabiliu ca: 1. Sa Giunta deliberat su Pianu esecutivu de gestioni (PEG) in cabu de binti diis de s'aprovatzioni de su bilàntziu de previsionis. Cun riferimentu a su primu esercìtziu su PEG est cumpriu finsas in tèrminis de càscia. Su PEG est referiu a is pròpius esercìtzis cunsideraus in su bilàntziu, sceberat is obietivus de sa gestioni e ddus intregat, paris cun is dotatzionis chi serbint, a is responsàbilis de is servìtzis. 2. In su PEG is intradas funt partzidas in tìtulus, tipologias, categorias, capìtulus e, in s'in casu, artìculus, cunforma a s'ogetu chi ddi spetat. Is gastus funt artìculus in missionis, programmas, tìtulus, macroagregaus, capìtulus e, in s'in casu artìculus. Is capìtulus faint parti de is unidadis elementaris cun sa punna de sa gestioni e de sa rendicontatzioni, e funt postus in su de cuàturu livellus de su pianu de is contus finantziàrius de su cali a s'art. 157. 3. 3-bis. "Su PEG est deliberau in coerèntzia cun su bilàntziu de previsionis e cun su documentu ùnicu de programatzioni. A su PEG est allegau su documentu asuba de sa partzidura de is tipologias in categorias e de is programmas in macroagregaus, cunforma a s'allegau n. 8 a su decretu legislativu 23 de làmpadas 2011, n. 118, e modificatzionis imbenientis.
- cun D.Lgs n. 118 de su 23.06.2011 e modificatzionis e integratzionis imbenientis, cun dispositzionis in chistioni de armonizatzioni de is sistemas contàbilis e de is schemas de bilàntziu de is Regionis, de is Entis Localis e de is organismus insoru, ant individuau is printzìpius contàbilis de fundamentu de su coordinamentu de sa finàntzia pùblica cunforma a s'art. 117, c. 3, de sa Costitutzioni;
- cun su printzìpiu contàbili, allegau 4/1 a su D.Lgs n.118 de su 23.06.2011, in su puntu 10, su Pianu esecutivu de Gestioni: - est stèrriu po cumpetèntzia e po càscia cun riferimentu a su primu esercìtziu cunsiderau in su bilàntziu de previsionis;
- est aprontau po cumpetèntzia cun riferimentu a totus is esercìtzis cunsideraus in su bilàntziu de previsionis agoa de su primu;
- est cun piessinnu previsionali e finantziàriu;
- tenint unu sèti programàticu e contàbili;
- nci podint essi datus extracontàbilis;
- est autorizatòriu, ca acrarat is lìnias ghia espressadas de is aministradoris cunforma a s'atividadis de gestioni de is responsàbilis de is servìtzis e finas ca is previsionis finantziàrias chi ddoi funt rapresentant su lìmìti a is impinnus de gastu pigaus de is responsàbilis de is servìtzis;
- durat cantu a su bilàntziu de previsionis;
- tenit rilevàntzia organizativa, ca acrarat is responsabilidadi de indiritzu, gestioni e averiguamentu;

Donau atu chi cun s'introdutzioni de su Pianu integrau de atividades e organizatzioni (PIAO) po mori de s'art.6 de su D.L. 9 de làmpadas 2021, n.80, su Pianu Esecutivu de Gestioni (PEG) abarrat obligatòriu ma ndi ddi bogant is obietivus gestionalis. Difatis s'art.1, c. 4, de su DPR 24 de làmpadas 2022, n.81, chi individuau is obietivus de su PIAO, ndi bogat su de tres perìodus de s'art.169, c. 3-bis de su TUEL chi narat: "Su pianu a sa minuda de is obietivus de su cali a s'artìculu 108, corriedda 1, de su testu ùnicu e su pianu de sa performance de su cali a s'artìculu 10 de su decretu legislativu 27 de ladàmini 2009, n. 150, funt aunizaus a manera orgànica in su PEG.". Duncas si ndi bogant de su PEG is obietivus de performance de s'enti, chi ddas insertant in is setzionis de su PIAO;

Bidas is Deliberatzionis de su Consillu Comunali:

- n. 115 de su 19.12.2023, esecutiva cunforma a sa lei, chi at aprovau sa Nota de aggiornamentu a su Documentu Ùnicu de Programatzioni (DUP) 2024/2026 - art. 170 c.1 de su d.lgs. 267/2000;
- n. 116 de su 19.12.2023, esecutiva cunforma a sa lei, ai sensi di legge, chi at aprovau su Bilàntziu de Previsioni finantziàriu 2024/2026 e sa Nota Integrativa;

Cunsiderada finas sa Determinatzioni dirigenziali n. 2150 de su 29.12.2023 de su Setori 2 Programatzioni Econòmicu Finantziària – Controllu de Gestioni – Controllu Partetzipadas, cun ogetu: “ART.175 C.5-QUARTER LIT. B)- VARIATZIONI A SU BILÀNTZIU 2023-2025 E A SU BILÀNTZIU 2024-2026 DE IS STANTZIAMENTUS A SU FUNDU PLURIENNALI VINCULAU (FPV-COMP E EP)”;

Bius:

- s’art. 175 c.5 - bis de su D.LGS. 267/2000 lìtera d)
- s’art. 108 de su D.Lgs. 267/2000, mudau de s’art. 2, c. 186, lit. d), de sa lei 23 de idas 2009, n. 191, chi at stabiliu de ndi bogai sa figura de su direttori generali, in is comunus cun populatzioni fintzas a 100.000 abitantis;
- s’art. 97 de su TUEL – D. Lgs. 267/2000, c. 4, chi at atribuiu a su Segretàriu Comunali su ruolu de averigui su cumprimentu de is funtzionis de is Dirigentis e de ndi coordinai s’atividadis;

Cunsiderau chi s’art. 107 de su T.U. in contu de ordinamentu de is Entis Localis aprovau cun D.lgs. 18 de austu 2000, n. 267, previdit chi tocat a is Dirigentis sa diretzioni de is ufìtzios e de is servìtzios segundu is crìterius e is normas de is statutus e de is regulamentus, aici puru sa gestioni amministrativa, finantziària e tècnica po mèdiu de poderis autònomus de gastu, de organizatzioni de is Recursos Umanas, strumentalis e de averiguamentu finas cun s’adotzioni de is atos e provedimentus chi impinnant s’amministratzionu cun àterus;

Cunsiderada sa Deliberatzioni n. 14 de su 19.01.2023 cun su “REGULAMENTU DE IS UFÌTZIOS E DE IS SERVÌTZIOS - MODÌFICA FUNTZIONIGRAMA, ORGANIGRAMA E ASSINNATZIONI PERSONALI – APROVATZIONI”;

Biu su Decretu Sindacali n. 27 de su 21.12.2023, chi at nominau che a Datori de Trabballu po sa Seguresa, su Dirigenti Ing. Pierpaolo Fois;

Biu finas su Decretu n. 28 de su 27.12.2023 chi at cunferiu a Su Dot. Marco Onnis sa diretzioni de su Servìtziu de su Setori 5 “Afàrius Generalis, Òrganus Istituzionalis, Servìtziu Demogràficus, URP”, cunforma a s’art. 110 c. 1 de su D. Lgs. 267/2000 e a s’art. 19 corriedda 6 de su D. Lgs. 165/2001, cumentzendi de su 01.01.2024;

Postu chi cun is decretus nn. 9 e 26 de su 2021, nn. 6, 17, 19 e 20 de su 2022, nn. 7 e 8 de su 2023, e finas cun is ùrtimus decretus sindacalis, ant atribuiu e cunfermau is incàrrigus de diretzioni de is setoris in is calis s’articulat sa macrostrutura de s’enti, aici comentis inditau in su documentu in allegau a custa deliberatzioni etotu;

Ca:

- s’artìculu 167 de su TUEL acrarat sa strutura noa de su Bilàntziu de previsionis finantziàriu chi previdit s’articulatzioni de is intradas in Tìtulus e Tipologias e de is gastus in Missionis, Programas e Tìtulus;
- su DUP, cunforma a su printzìpiu de su coordinamentu e coerèntzia de is documentus de Bilàntziu, rapresentat su strumentu de fundòriu de totu is àterus documentus de programatzioni, e si partzit in duas setzioni, sa setzioni stràtègica (SeS) e sa Setzioni Operativa (SeO);

Torrada sceda de aprovai sa cumponenti finantziària de su Pianu Esecutivu de Gestioni (PEG

finanziariu), cunforma a is documentus afatantis:

- All_A1_PEG Responsabili_Intrada 2024_2026;
- All_A2_PEG Responsabili_Gastu 2024_2026;
- All_A3_PEG (Tzentrus de gastu)_Intrada 2024;
- All_A4_PEG (Tzentri de gastu)_Gastu 2024;
- All_A5_PEG Responsabili Intrada Resuzus_Cumpetèntzia Càscia FPV 2024_2026;
- All_A6_PEG Responsabili Gastu Resuzus_Cumpetèntzia Càscia FPV 2024_2026;

Bida sa proposta de deliberatzioni n. 03 de su 03/01/2024, de su Setori 2 Programatzioni Econòmicu Finanziària – Controllu de Gestioni - Controllu Partetzipadas, po s'argumentu de su cali a s'ogetu;

Arriciu, cunforma a is Artìculus 49 e 147bis, de su D.Lgs. 18/08/00, n. 267, su parri a favori in contu de regularidadi tècnica e contàbili, de parti de su Dirigenti de su Setori 2 Programatzioni Econòmicu Finanziària – Controllu de Gestioni - Controllu Partetzipadas;

Arriciu finas su parri in contu de cunformidadi amministrativa, a is leis, a su Statutu e a is Regulamentus segundu s'art. 97, c. 2, de su D.Lgs n. 267/00, e a s'art. 4, c. 4, de su Regulamentu Comunali asuba de is controllus internus, de parti de su Segretàriu Generali;

Biu su D. Lgs. 18 de austu 2000, n. 267, cun su "T.U.E.L de is leis in contu de Ordinamentu de is Entis Localis";

Biu su Statutu Comunali;

Cun votatzioni a favori e a totòmini cunforma a sa lei;

DELÌBERAT

De aprovai su Pianu Esecutivu de Gestioni 2024/2026 (PEG finanziariu), cun assinnatzioni a is dirigentis rispetivus de s'Enti, cumpriu cunforma a s'art. 169, c. 2 e 3bis, de su TUEL, segundu is allegaus afatantis:

- All_A1_PEG Responsabili_Intrada 2024_2026;
- All_A2_PEG Responsabili_Gastu 2024_2026;
- All_A3_PEG (Tzentrus de gastu)_Intrada 2024;
- All_A4_PEG (Tzentri de gastu)_Gastu 2024;
- All_A5_PEG Responsabili Intrada Resuzus_Cumpetèntzia Càscia FPV 2024_2026;
- All_A6_PEG Responsabili Gastu Resuzus_Cumpetèntzia Càscia FPV 2024_2026;

De donai atu chi, in cunformidadi a s'art. 169, c. 2, de su T.U.E.L., is arresursas de is intradas previdias in su Bilàntziu de previsionis 2024/2026 funt partzidas in tìtulus, tipologias, categorias, capitulus e is gastus funt articulus in missionis, programas, tìtulus, macroagregaus, capitulus;

De trasmiti custa deliberatzioni a su dirigenti de su Setori 2 Programatzioni Econòmicu Finanziària, Controllu de Gestioni, Controllu Partetzipadas, po is provedimentus de cumpetèntzia;

De decrarai cun votatzioni a totòmini chi custa deliberatzioni est esecutiva luegus etotu, cunforma a s' art. 134, puntu 4, de su D.Lgs. 18 de austu 2000, n. 267.